




هفته مضاحبه سنی

نمبر آرمیری

بو هفته طرفنده قادیانق عالنده یکی، مسعود بر حادته اولدی: اناث دارالفنون اسمیله شیمدی به قدر موجود اولان لیسه قیافتنده کی غریب، معناسز مؤسسه لغو ایدیلرک، قادیانلر ضلکده اصل دارالفنون تدریسی تعقیب ایتمه لری اساسی قبول ایدیلدی. بو بو یوک تکامل آدینک قیمتی بو کون لایقینه حس ایدیلرله سیله، یارین، بونک نه قدر مهم نتیجه لر ویرمه که ناضرده اولدینی البته آکلاشیلا جقدر. چونکه، آرتق تورک قادیانکده ارککلردن تمامیه فرقتسز یوکسک بر تحصیل کورمه سنه امکان حاصل اولور دیمکدر. حالوکه بو کونه قدر، قادیانلر مزه، لیسه تحصیلک فوقنده بر مؤسسه وجوده کتیرمه مشدک یکرمنجی عصرده یاشامق ایسته ین بر ملت ایچون بویه ارتجاعی حرکتلره قارشى مساعده کار داوارانق قابل اولامازدی. غرتله رمزک اوچ دوت کوندر بری، قادیانلک تمالیسنی تأمین ایده بیله جک اولان بودارالفنون توحیدی مسئله سنی هپ بر آغزین ترویج و تسیب ایتمه لری، افکار عمومیه نکه تجدد حرکتلرینه نه قدر طرفدار اولدینی کوسته وریور. بوتون دنیا هر کون یگی یکی اجتماعی انقلابلر کچیریرکن، بزم، بوتون جهانک رخنه یرمزده دورمه وارتجاعی حرکتلرده بولونمقه حقیر یوقدر. اساساً بوتون تورک ملتی، شیمدی به قدر مششوم نتیجه لر ویرمه کهنه تالیملرک، قرون وسطایه مخصوص فکرلرک استبدادندن آرتق بیقمش، اوصاف مشدر، «دأب دیرین»، «عنعنات قدیمه»، «شعائر ملیه» کی آرتق موداسی کچمش، معناسز کله لرک آلتنده حقیقی ماهیتنی اورتیمکه چالیشان جاهلانہ تعصبک، یکرمنجی عصرده یاشایان بر ملته آرتق حاکم اولامایه جقنی آکلامالیدر. معارف نظارتک بوتون مطبوعات طرفندن متجدد آلفیشلانان بومصیب قراری،

کرک حکومتک کرک ملتک «یکیلک» احتیاجی پک ابی دودینق کوسته وره جک برماهیتده در. مع مافی، معارف نظارتک اساس اعتباریه پک مصیب اولان بوقراری، تطبیقات اعتباریه ینه ارتجاعی برماهیتده کوربیور: قادیانلرله ارککلر درسلی آیری زمانلرده تعقیب ایده. جکلمش... دنیاده بوندن غریب، بوندن منطقسز بر شکل تصویرینه امکان یوقدر. سنی حیانتده قادیانلرله ارککی بویه صنئی تدبیرلرله آیرمه نکه عجا معناسی وارمیدر؟... عصری بر ذهنیتله دوشونونه جک اولورسه ق، بونک امکالنیزانی نسبتده لزومسز لغنی ده آکلارز. بو کونه قدر دارالفنونده کی سربست درسلیرک قونوه رانسلیر هپ بر آراده تعقیب ایدن قادیانلرله ارککلرک بوتون درسلی ینه مشترک بر صورتده تعقیب ایتمه لری ایچون اک اوافق بر مانع بیله منصور اولاماز. شیمدی به قدر موجود اولان بو مشترک درس عنعنه سنی عصری بر ذهنیتله حرکت ایده وک تعمیم ایتیمک ایجاب ایدرکن، بونی منعه قالیشمق تمامیه ارتجاعی بر حرکتدر. بر مدرسک، بر درسی اولارککلره صوکر قادیانلرله ایکی دفعه تقریر ایتمه سی، چوق تحف برشی اولور؛ درس نه قدر سیکی سز اولورسه اولسون ایکنجی دفعه کی تقریرک قوت و قیمتجه یرنجی به بکزه میه جکی محققدر. صوکر لایورلرله وکتبخانه لرده قادیانلرله ارککلرک آیری آیری چالیشمه لری هیچ ممکن اولاماز؛ هفته نکه ویا کونک یاریسنی قادیانلرله یاریسنی ارککلره تخصیص ایتیمک هیچ بر صورتله مطلوب واستفاده نی تأمین ایده میه جکدر. ترا وایلرله اولدینی کی اورتیه بر قارا کوز برده سی کره لرک قادیانلرله ارککلری آیرمی اصلو ده کولونچلک کهنه مینی دارالفنونده تطبیق اولوناماز. او حالده...؟ دارالفنونک توحیدی داهاز یاده نظری بر شکلده قالیوری...؟ بوسؤاله قارشى «أوت» جوابی ویرمه جک پک آز آدم بولونه یلیز. بوعصرک حیاتی، ضروری ایجاباتی قادیانلرله ارککلرک هپ بر آراده یاشایوب چالیشمه لری

ایجاب ایدیور. «حرم» له «سلامق» آراسنده کی یوکسک و قالین دیوار بر داهما ایدیا یاپیلاماق اوزره یقیلمشدر. دون قادیانلرک سو قاغه چقمسالرینی منع ایتیمک ناصل قابل دکلسه، بو کونده اونلرک حیسانه آتیمالرینی د مکتبلره، تبحر خانلره، حکومت دائره لرینه کیرمه لرینی منع ایتیمک اوقدر امکالنیزدر. مادامکه حیانتک ضروری شرطلری قادیانلرله ارککی عادى حیانتده بیله آیره میور؛ دارالفنون کی بر علم و مفکوره اوجاننده اک یوکسک بر فکر سویه سنده بولونان قادیانلرله ارککلری بر بوندن آیرمی ناصل تصور ایدیلرله یلیور؟ بز بونک قابل تطبیق برشی اولما دیقنه، اناث دارالفنون قالدیران حیات شرائطک بوسنعلک ده اوزون مدت هضم ایده. میه جکنه قانع. آنچاق معارف نظارتی بویه یاریم، جرأتسز بر تجدد آدمی آتیه جی برده، ترقی پرورلرک آرزو و تمنیاتنه اشتراک ایده وک شیمیدین بو آیری تحصیل شکلی اورتدن قالدیرسه و دارالفنون تام معناسیله توحید ایتسه! افکار عمومیه نکه بویه بر حرکتی تنقید شویله دورسون، بوتون قوتیه آلفیشلا یه جفته امینز. حتی ملکیتک پک بو یوک و متور بر اکثریتی بو قدرلده اکتفا ایتیه وک قادیانلریمزک طب و حقوق فاکولته لرینه، تجارت مکتبنه ودها سائر بو کی مکتبلره قبولی ده شدتله طلب ایدیور. ملکتنده تجدد فکرلرینی نشر و تعمیمه چالیشمقله مکلف اولان معارف نظارتک، تمامیه عصری بر ذهنیتله حرکت ایدرک، تجدد بولنده یاریم و متردد آدیملر دکل تام و قطعی خطوه لر آتمه سی ملی خلاص ایچون پک مهم بر شرطدر. «اداره مصلحت» و «عننه جیلک» کی کهنه ذهنیتلرله اداره امور ایتیمک زمانی چوقدن کلوب کچدی...

